

沈乃文 主編

明別集叢刊 第三輯

第二十一冊

黃山書社



國家出版基金項目
NATIONAL PUBLISHING FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第三輯

第二十二冊

黃山書社



(明)張九一 著

綠波樓集十卷

明萬曆刻本

張助甫先生集叙

南新市人李維楨本寧父嘉靖之季七子三甫言語妙天下助甫先生者三甫之一也楨不佞髫年屬文父執高右史伯宗謬許不佞是可希張助甫余因請先生所撰著讀之欣若有

會者至乙亥而先生起家西寧余承乏隴西先生長十五年負重名又以天官即尚璽卿左遷意不可一世過而昵就不佞其後同官長安不佞復仕大梁倡和酬徃益稔而七子三甫獨先生生於歸然魯殿靈光矣先生于

七子中心服而不敢並立者唯王元美先生一人餘姑舍是至梁公實宗子相厄於短筭謝茂秦隳于末路所不足數也今取先生集與諸先生集並觀參校其詩有李于鱗之高古簡嚴有吳明卿徐子與之典雅明潤有

余德甫之縟藻張肖甫之沉至其文無恒語無卑調而體太愚精華整簡勁陸士衡濯錦江波寧復有一片衛文之服沈隱侯用事不使人覺若胸臆中語故學于鱗而失之者徃：墮他道先生奇正相生不偏廢也當先

生時不在三七之數而名與之
埒者有汪伯玉王敬美魏順甫
先生文體裁如伯玉而有逸趣
敬美詩在明卿子與間順甫詩
在德肖兩甫間先生奄有之諸
先生以辭賦名世不必工吏事
位不盡通顯梁元所謂韜於文

錄宋

下

士愧于武夫古今同慨矣
一品元美八座先生亞之肖甫
伯玉有軍旅功先生儼之嗟乎
先生天下才也自東晉南宋以
還文士率歸江左而目中原為
僞楚北地從父宦大梁遂為梁
人而信陽並起兩先生辭賦之

業於古為中興於今為開先而
晚乃有先生者鼎立而為三
原文獻甲于方內其所啓佑羽
翼功豈小哉不佞所稱嘉隆諸
先生後先十有五人不幸而為
若敖氏之鬼者有之抑或埋
隸圉或不能紹雕龍之慶

錄宋

下

李與先生子孫皆箕裘濟美
穎為中州地氣參和不偏夫有
所受之也昔溫子昇謂孫搴文
不如卿搴要之為誓子昇咲但
言劣便是搴曰卿不為誓事可
知矣魏收傳崔綽為首以高允
贊綽作據詰者言司空才士作

贊正應稱揚卿為人作文章道
好者豈能皆實損不佞嚴事先
生誓不如遠甚恨負高伯宗先
生所期許幸而得叙先生遺集
以實道好不敢欺地下脩文即
且也後來之彥彼衆我寡衆實
有口焉可誣也



明中憲大夫都察院右僉都御史周田張公
墓志銘

歲辛卯余承乏大梁助甫先生徵會南頓
信宿而別明年余以梁事中白簡竄歸向
後凡九年財一通問先生卒不及聞又三
年會長公後之都門具道治命以墓中石
屬余志且云當以狀來又四年先生入室
弟子閻汝用狀先生而後之兄弟使使走
鄜衍申前請憶余從先生官長安二十六

歲次

年往矣文酒酬酢宛然在目幸而後
先生者責實在余按狀先生上世蘇州府
嘉定縣人高王父得貴賈蔡以籍自占三
傳至封公奉配戴安人是生先生先生之
生也安人感異夢以爲祥比免乳穎悟絕
倫應奉五行俱下襴衡一覽輒記殆燕之
矣八歲爲博士業已爲古文辭博雅雄麗
老師宿儒不通曉也十四補邑諸生餘姪
翁司馬爲督學使鮮所許可都試諸生以

先生爲寇封公次之司馬歎曰父不得而子信乎佗日以文名世吾不及也赴省試五策幾二萬餘言主司大賞歎舉第三人明年成進士時甫勝寇耳除知黃梅縣縣舟車綰轂南荆之跋扈東陵之巨猾盤據市井中有司莫敢問先生廉得其主名會治之即窮里民以事入謁悉知其家人生口作業姦姦摘伏如神邑大驚相戒毋敢犯令事至首尾銜決不移時而庭虛無人

綠波樓集

卷之六

志

開戶讀書賦詩有四方之客相與游外佳山水蠟屐胡床觴詠竟日人以爲清河陽陸浚儀之儔也三年擢吏部郎自主事以至郎中凡十任而是時諸曹郎王元美李于鱗徐子與宗子相梁公實吳明卿結社談藝文必先秦兩漢詩必漢魏六朝唐大曆以上傲睨一世入莫測其所以目之爲狂先生心好之比入都則請于去國獨子相同舍相得甚歡無不盡先生家所

綠波樓集

卷之六

志

服慕者惟王先生子相因以書通先生于王先生所兩人莫逆于心不必撫塵而游矣而會王先生父司馬公失分宜相歡構下詔獄王先生棄其官來視橐餗分宜父子故憾王先生與諸郎杯酒間多譏刺語使人躡尋蹤跡門徒故吏皆恐鳥獸散先生以從王先生遊晚日夕招尋時而歌時而泣而更羸服存司馬犴狴中王先生辭無乃爲君累乎先生艷然曰士爲知己死且不避官于何有分宜奸言詩而先生同舍郎爲分宜鄉人以其詩與先生詩並進分宜亟稱先生詩大佳非爾所及也一日俱詣分宜分宜顧問先生新詩幾許同舍郎從旁遽對昨與王某詩郎不如也請爲相君誦之分宜色赤而徐魏國欲封其愛妾行千金分宜父子所冀必得之先生爲司封郎持不可分宜恚是區區者而不余畀乎先生自念次當爲考功文選事與

政府相牴牾益多請就散秩分宜陽諸選
南尚寶卿未至而以風霾計吏儲前憾補
外外當得僉憲而同舍郎阿邑分宜請為
廣平郡丞先生才名藉甚而又遷客衆心
畏其難近顧退然自下安繁戀劇無異為
黃梅時淦水溢城且潰單騎出拯溺者水
行及肩不去所全活無算稍遷湖廣按察
司僉事治巴陵登岳陽樓舉酒而酌范希
文先憂後樂者蓋憂謫畏譏之甚姑自
耳我則異於是素位而行皆樂事也夫
憂巴陵至武昌風帆一昔可至嘗乘月
舟俄雲起蔽天迅雷風烈江波鼎沸舟人
面如灰土先生莞爾而笑吾往者知淦水
之能溺人而犯之卒無患今何犯於江水
而葬江魚之腹哉頃之舟忽抵岸猿引而
上才容數十人且泣且歡呼微公福德寧
渠及此施州夷酋黃中叛合川湖兩省兵
剿之監司爭功罪屢年不決

上命按臣會勘湖廣則屬先生先生開誠布公
得其翔實功罪不相掩議乃定而更區畫
方畧以善其後迄今賴之是行也往來巫
山西陵間可半歲得詩多而奇評者謂如
少陵之有夔州也已干事而竣稍遷右參
議而被勘者與前不任勘者復為蜚語中
先生當調先生喜吾重違家大人之命隨
牒遠方今且有辭歸而待膝下色養三公
安足易乎卜築邑北十里河干為綠波樓
積書萬卷諷誦其中而母弟見甫乾甫
善屬文兄弟間自相師友每文成奏之壇
簾之和盈耳而棠棣之華不快目封公安
人樂之七箸日益加久之二人卒先生
而毀跋涉霜雪下婁江丐王先生為志歸
則屏居非其人不可得見中朝故舊勸駕
不荅而邑人司空曹公於先生為中表兄
每過先生揚扆千古及國興朝章四方利
病九邊要害歷歷如指掌司空解頤是才

什伯我非丘壑中物也凡十年起家仍故
官分守涼州而有蒞浪軍變蒞浪左番右
虜其中土漢軍雜處而都督魯東者病于
稚不任事虜款父客兵芻粟蠹朽兵使其
請給軍悉本色而歲比豐本色賈太賤軍
乞折色不許鼓譟而焚兵使弟鉢虜來寇
甘肅遠近震恐先生甫入境督府石恭襄
公盱衡擊節此足辦賊矣檄先生攝蒞浪
左右無非賊耳目者先生數過之伴不為

蘇波提集

動而少司馬吳公以大閼來諸從官
有兵仗呵護先生密分置賊魁石明等
十許人兵仗中而命將分擒之賊已誅賊
中人尚不知先生之誅賊也假手魯氏而
魯氏兵復弱其主蠢蠢思亂先生復以計
除之蓋魯氏恃先生為安危矣其年不登
軍請乞支本色月許先生給半歲衆踴躍
歡呼而公家朽蠹為實用等與耳一以召
亂一以得衆入之才知相越不亦遠哉論

蘇波提集

志

功擢副使備兵江東逾年方代而虜王俺
荅提三十萬衆西牧寄徑甘肅督撫有戒
心失先生如失左右手上書調先生甘州
先生言虜王子小吉囊敗于瓦剌以父兵
報怨其曰迎佛虛聲耳勝則氣益驕敗則
羞而成怒我且代瓦剌受禍雖然彼不訟
言報瓦剌而藉口迎佛固無必勝算矣使
使說以瓦剌必不可報狀虜王老于兵信
之不復言報瓦剌則有和土魯番哈密出
嘉峪關之說先生復使人諭之關以外
為政關以內我為政不得闌入也王討
則有甘州馬市之說先生復使人諭之若
市固在宣大宣大市罷則許若甘州王討
沮則有諸番茶市之說先生復使人諭之
茶非若所需番固我屬國也何與若事王
計沮則有由內地歸無迂道曠日之說先
生欲無許則示弱欲許恐生得失按地圖
而為之約非此不移尺寸東則鎮瓦西則

洪水中則永昌水泉宿重兵為犄角之勢
緩急相應而間諜李伏保王甲等日伺動
靜誘其左右為我用期以某日至某所所
携母得過若干人牛酒之外母得他索王
唯唯聽命小吉囊不得逞于瓦刺不欲父
東歸而王亦以青海善水草未即發先生
知王所嬖者其外生三娘子三娘子與謹
使馬應時通禽應時而俾以王東歸為贖
于是三娘子泣涕從吏王東歸而王所迎
佛鎖南堅者亦召入甘州餌之令其子
子合謀三娘子騎而前呼曰余馬首是瞻
王遂東是役也虜三十萬牧青海二年秋
毫無犯先生拮据頭湏為白督府以下垂
拱蒙成廷臣兩推福建鄖陽巡撫而江陵
門人某子甲于先生後先同舍郎勢熏轅
人先生相與踈闊某子甲恨之僅擢右叅
政分巡關內關內簿領山積不一月而迎
办解擢按察使兵備密雲密雲當路塞任

者曰莫可開府某子甲不善也移山西總
憲事大比士得晉材為寂而江陵坳其黨
冰潰朝政一新先生稍遷右方伯仍山西
臺省會舉先生邊材始以都察院右僉都
御史巡撫寧夏寧夏歲荒道殣彌望為糴
穀二萬五千石賑之又為之開河渠建橋
閘脩河堰疏堙塞改隄墻以備水旱廣植
株揆墾種立堡寨專責成以儲軍實繪圖
獻之

綠波樓集

上報可所墾田一十四萬畝有奇斬賀蘭山
木口虜不敢窺左足脩興武諸城及他營
壘數百里有奇虜故嚴憚先生威名歲來
就市奉要束惟謹省費二萬金有奇
上數賜金帛旌勞將有殊尤之擢而先生舉進
士三十餘年同榜無一人在新進好事不
悉先生本未爭以治江陵黨為名高謂先
生亦黨人彈事上莫為相明者坐調外其
後兩御史覈寧夏屯田及他脩守功并言

先生冤狀

上為復故官候召用又數年而寧夏有哱賊事
合諸路兵重而勝之識者扼腕令張先生
而在庸至是乎後之舉于鄉先生慰勞之
曰吾寡蟬蟻子之援

上召我田間十年開府數為說口所厄

上渝拭之無以報恩孺子勉乎哉明年起撫貴
州而拾餘唾者未已先生慨然曰吾志固
久決矣是未為知我者亦未為不知我也

緣波樓集

先生官高而家無厚藏惟藏書數萬卷

波樓不能時至于居第傍構小齋擁書

誦倦則焚香跌坐家人或罕接談既春

六十喟然而歎天佚我以老何自苦為

池百畝南門之外號曰南塘脩竹垂柳環

之亭館可以憩畫舫籃輿可以游魚鳥花

卉可以玩借子弟門人徜徉其間同里則

馬雲從閭汝用曹季虎汝陽則秦京越則

張不害又為社曰大呂執經問難賦詩言

緣波樓集

哀楊無子為文祭之語酸楚甚其經紀

陽蔣令喪更脩邑嘗大饑盡捐廩粟食之

千石以上有司當上聞旌其門先生掩耳

無汗我事關通國利害若大冤苦為白當

事者疊疊百千言卒不令人知也先生生

嘉靖癸巳六月廿九日卒萬曆戊戌四月

十五日年六十有六先生嘗過緣波樓見

手所植松竹成林泣下沾襟樹猶如此人

何以堪百歲後竟而有知舍此何適矣為

竊藏明器焉而後之兄弟以其年某月某日啓而歲葬事中丞直指采汝南月旦評上言先生文行勲勞宜有旌卹大宗伯大司馬以為允覆奏得

旨遣藩臣諭祭學官弟子復祀先生于鄉先生名九一字助甫身長七尺軒軒如朝霞舉濯濯如春月柳日爛爛如巖下電可飲五斗而醉二三僊俄如王山將崩宏覽博物曾吞雲夢八九善章章書投壺戲四十餘

綠波樓集

驍與銅梁張肖甫豫章余得甫俱以文郎署世號三甫初王元美五子與謝茂秦而六各為五子詩已黜茂秦而進明鄉又合之為七子而王先生為後五子詩有三甫外則蕭圻魏順甫欽汪伯玉也王先生母弟敬美不在此限總之為七子三甫二王天下尊鄉之先生年最少成名最早與元美等而虛懷樂善多所獎進嶺南黎惟敬有詩名方偕計吏以書迎之涿鹿至則

兄事之即余無似不惜齒牙餘論成之也歸田後于詩律益細別為南塘稿卒之前一歲下帷距躍讐校殆忘寢食恭人竊窺之諷曰持此安歸先生為之一粲吾千古在焉非乃所知今並朔方奏議都名之綠波樓集世固多誦法者不具論第述其生平行事如此云子三人伯體震戊子舉人後之其字王恭人出仲體咸縣學生季體良太學生諸姬出銘曰明明

綠波樓集

天子用夏變夷九有廓清君作梓材其塗丹牘待人而行皇矣

世宗鴻藻景鑠廼集大成溫洛滎河圖書所出以開太平嵩高極天維神降止育我國模李何肇迹公也嗣之虎變鳳鳴含咀六藝網羅百氏鼓吹兩京唾為珠璣字挾風霜紙落烟雲片言衮鉞白骨載肉山岳可傾薄海內外歛然頽化會繡韶英矯矯張公經文緯武操其奇贏四方于宣西戎北狄

爾寔干城在朝鼎彛在野竹帛不朽長生
亦有細君求賢審官無割爾名得全全昌
宜爾子孫難弟難兄汝水垂瓠至于銅陽
新阡是營埋王一雙氣如白虹旁燭八然
賜進士出身中憲大夫六任江西河南陝西
四川布政使司左右叅政兩兼按察司僉
事奉

勅整飭廬鳳滁和延鄜等處兵備前淞江按察
使陝西督學副使翰林院脩撰

綠波樓集
國史官京山友人李維禎譔

綠波樓集目錄

一卷

五言古

河上寺

吳虎臣至酌之

將赴姑蘇訪王元美 六首

經故下蔡城

江上逢曹一呈

飲隋堤亂塚間

夜赴中丞趙良弼約 二首

將適關中別劉玄子

自靜寧抵秦州雪夜山行三百餘里因

賦 四首

九月六日余寓居西郊因憶吳文仲于

時方與陳思俞劉士揚二三友生交

驩而余病不能赴爰有是作

送馬雲從之姚江令

送乾甫省試

送汝用兒震赴南監因北上會試

答湛然上人

三首

陪王內甫小集見甫

得大字

答陸伯達大行宗伯子

登兒星讀書樓

冬至

送兒震會試

送龔同父廣文會試

送閻汝用會試

綠波樓集目錄

飲梅樹下

七言古

憶昔行寄元美

孫中丞淮海圖歌

酌南海歐楨伯

河上追餞劉玄子

四首

放歌六首爲元美作

爲王少府題張路春山送別圖

乾甫爲馬墜傷其右肱戲爲長句

觀漲

秉器自尋陽紆三百里而遙訪我於蔡

汎舟登樓三日而別爲賦長歌以送

之

廉卿中泉別業醉作放歌

山人程士元工小篆能詩飲酒一石不

亂往游長安王胤昌楊曰泰兩太史

賓禮之過蔡謁余余爲作歌贈焉

濮公山送秉器歸豫章

綠波樓集目錄

墨竹歌

病足汝用以芳來訊戲爲長句

爲張生題趙子昂畫菜

二卷

五言律

早春偕高伯宗魏順甫二比部夜集李

伯承符卿

二首

元夕賦得火樹銀花合

寄黃太僕

三首

送龍池先生復任陽平兼便道歸省

二首

病中少衡劉封部見過

二首

夏夜漫興

二首

月夜過少衡

長安邸舍賦得茉莉薜蘿各一律

二首

七夕

送魏順甫之金陵

寄亢學憲

汪山人白雲故居

綠波樓集

目錄

送人南歸兼寄其弟

三首

答王元美兵憲

六首

歲暮柬高伯宗

二首

暮春偕黎惟敬梁思伯遊常氏山池

六首

送孫侍御之河南

二首

曹內翰山亭值雪

雪霽黎惟敬過訪得樓字

獨酌雪雨驟至

二首

喜雨

題曹伯貞芙蓉亭

四首

玉田兄書屋值雨

二首

送吳令之西河守

二首

洪河泛舟

二首

月夜寄子與

二首

九日登郡樓有懷鄭山人却寄

除夜

二首

得家書

將之湖南寄別吳侍御約卿

二首

綠波樓集

目錄

華容道中值雪懷見甫乾甫

四首

甲子除夕

明卿舟中對月得天字

夢黎惟敬歸南海醒而有述

乙丑人日

風

待黥不至酒酣漫興遂作歸山詞

二首

漢江逢吳子彬學憲分韻共賦

二首得

風輕二字